

四庫全書

集部

欽定四庫全書

集部

孟東野詩集卷二

詳校官監察御史

臣范衷

檢討

臣何思鈞覆勘

覆校官中書

臣

王慶長

校對官中書

臣

王鍾泰

謄錄貢生

臣

趙希濟

欽定四庫全書

集部二

孟東野詩集

別集類一 唐

提要

臣等謹案孟東野詩集十卷唐孟郊撰宋宋

敏求編前有敏求序稱世傳其集汴吳鏤本

五卷一百二十四篇周安惠本十卷三百三

十一篇蜀人蹇濬所纂凡二卷一百八十篇

取韓愈贈郊句名之曰咸池集自餘諸家所

襍錄不為編帙諸本各異敏求總括遺逸刪
除重複分十四類編輯得詩五百一十一篇
又以襍文二篇附于後共為十卷即此本也
郊詩託興深微而結體古奧唐人自韓愈以
下莫不推之自蘇軾空螯小魚之誚始有異
詞元好問論詩絕句乃有東野窮愁死不休
高天厚地一詩囚之句當以蘇尚俊邁元尚
高華門徑不同故是丹非素究之郊詩品格

不以二人之論減價也乾隆四十二年八月

恭校上

總纂官臣紀昀臣陸錫熊臣孫士毅

總校官臣陸費墀

孟東野詩集原序

東野詩世傳汴吳鏤本五卷一百二十四篇周安惠本
十卷三百三十一篇別本五卷三百四十篇蜀人蹇濬
用退之贈郊句纂咸池集二卷一百八十篇自餘不為
編秩雜錄之家家自異今總括遺逸摘去重複若體製
不類者得五百一十一篇釐別樂府感興詠懷遊適居
處行役紀贈懷寄酬荅送別詠物雜題哀傷聯句十四
種又以贊書二系于後合十卷嗣有所得當次篇益諸

十聯句見昌黎集章章於時此不著云集賢校理常山
宋敏求序

欽定四庫全書

孟東野詩集卷一

唐 孟郊 撰

樂府上

列女操

梧桐相待老鴛鴦會雙死貞婦貴狗夫捨生亦如此波
瀾誓不起妾心井中水

灞上輕薄行

長安無緩步況值天景暮相逢灞滻間親戚不相顧自

嘆方拙身忽隨輕薄倫常恐失所避化為車轍塵此中
生白髮疾走亦未歇

長安羈旅行

十日一理髮每梳飛旅塵三旬九過飲每食唯舊貧萬
物皆及時獨余不覺春失名誰肯訪得意爭相親直木
有怙翼靜流無躁鱗始知喧競場莫處君子身野策藤
竹輕山疏薇蕨新潛歌歸去來事外風景真

長安道

朔風激秦樹賤子風中泣家家朱門開得見不可入長
安十二衢投樹鳥亦急高閣何人家笙篴正喧吸

送遠吟

河水昏復晨河邊相送頻離杯有泪飲別柳無枝春一
笑忽然斂萬愁俄已新東波與西日不惜遠行人

古薄命妾

不惜十指絃為君千萬彈常恐新聲至坐使

一作使我故聲

一作曲殘棄置今日悲即是昨日歡將新變故易恃故為

新難青山有薜蘿
蕪淚葉長不乾空
令後代人採掇幽思

攢一作思

幽蘭

古離別

松山雲繚繞萍路水分離
雲去有歸日水分無合時春
芳役雙眼春色柔四支楊柳
織別愁千條萬條絲

古樂府雜怨三首

憶人莫至悲至悲空自衰
寄人莫剪衣剪衣未必歸朝
為雙蒂花暮為四散飛花落
却遶樹遊子不顧期

天桃花清晨遊女紅粉新
天桃花薄暮遊女紅粉故
樹有百年花人無一定顏
花送人老盡人悲花自閒

貧女鏡不明寒花日少容
暗蛩有虛織短線無長縫
浪水不可照狂夫不可從
浪水多散影狂夫多異蹤
持此

一生薄空成萬

一作百

恨濃

靜女吟

艷女皆妬色靜女獨檢蹤
任禮恥任粧嫁德不嫁容
君子易求聘小人難自從
此志誰與諒琴絃幽韻重

歸信吟

淚墨灑為書將寄萬里親書去魂亦去兀然空一身

山老吟

不行山下地唯種山上田腰斧斫旅松手瓢汲家泉詎知文字力莫記日月遷蟠木為我身始得全天年

遊子吟

慈母手中線遊子身上衣臨行密密縫意恐遲遲歸誰言寸草心報得三春暉

小隱吟

我飲不在醉我歡長寂然酌溪四五盞聽彈兩三絃鍊
性靜棲白洗情深寄玄

一作塞淵

號怒路傍子貪敗不貪全

苦寒吟

天色寒青蒼北風叫枯桑厚冰無裂文短日有冷光敲
石不得火壯陰正奪陽調苦竟何言凍吟成此章

猛將吟

擬膾樓蘭肉

一作玉

蓄怒時未揚秋輦無退聲夜劍不隱

光虎隊手驅出豹篇心卷藏古今皆有言猛將出北方
傷哉行

衆毒蔓貞松一枝難久榮豈知黃庭客仙骨生不成春
色捨芳蕙秋風遶枯莖彈琴不成曲始覺知音傾館月
改舊照吊賓寫餘情還舟空江上波浪送銘旌

古怨

試妾與君淚兩處滴池水看取芙蓉花今年為誰死

湘絃怨

昧者理芳草蒿蘭同一鋤狂

一作盲

颺怒

一作怨

秋林曲直

同一枯嘉木忌深蠹哲人悲巧誣靈均入迴流靳尚

良謨我願分衆泉清濁各異渠我願分衆巢臯鸞相遠

居此志諒難保此情竟何如湘絃少知音孤響空踟躕

楚竹吟酬盧虔端公見和湘絃怨

握中有新聲楚竹人未聞識音者謂誰清

一作靜

夜吹贈

君昔為瀟湘引曾動瀟湘雲一叫鳳改聽再驚鶴失羣

江花匪秋落山日當晝曛衆濁響雜沓孤清思氛氲欲

知怨有

一作者

形願向明月分一掬靈均淚千年湘水文

遠愁曲

颺颺何所從遺塚行未逢東西不見人哭

一作泣

向青青

松此地有時盡此哀無處容聲翻太白雲淚洗藍田峯

水涉七八曲山

一作石

登千萬重願邀玄夜月

一作靈

出視

白日蹤

貧女詞寄從叔先輩簡

蠶

一作貧

女非不勤今年獨無春二月冰雪深死盡萬木

身時令自逆行造化豈不仁仰企碧霞仙高控滄海雲
永別勞苦場颺颺遊無垠

邊城吟

西城近日

一作水

天俗稟氣候偏行子獨自渴主人仍賣

泉燒烽碧雲外牧馬青坡巔何處鷗突夢

一作夢歸

歸思

寄仰

一作酒眠

新平歌送許問

邊柳三四尺暮春

一作莫奏

離別歌早迴儒士駕暮飲土番

河誰識匣

一作篋

中寶楚雲章句多

殺氣不在邊

殺氣不在邊凜然中國秋道險不在山平地有摧輶河
南又起兵清濁俱鎖流豈唯私客艱擁滯官行舟況余
隔晨昏去家成阻脩忽然兩鬢雪固是一日愁獨寢夜
難曉起視星漢浮涼風蕩天地日夕聲颼颼萬物無少
色兆人皆老憂長策苟未立丈夫誠可羞靈響復何事

劍鳴思戮讎

結愛

心心復心心結愛務在深一度欲離

一作言

別千迴結衣

襟結妾獨守志結君早歸意始知結衣裳不如結心腸
坐結行亦結結盡百年月

絃歌行

驅讎擊鼓吹長笛瘦鬼染面惟齒白暗中岑岑拽茅鞭
裸足朱禪行戚戚相顧笑聲衝庭燎桃弧射矢時獨叫

覆巢行

荒城古木枝多枯飛禽嗷嗷朝哺雛枝傾巢覆雛墜地
鳥鷯下啄更相呼陽和發生均孕育鳥獸有情知不足
枝危巢小風雨多未容長成已先覆靈枝珍木滿上林
鳳巢阿閣重且深爾今所託非本地鳥鷯何得同一作知
爾心

出門行二首

長河悠悠去無極百齡同此可歎息秋風白露沾人衣
壯心凋落奪顏色少年出門將訴誰川無梁兮路無岐

一聞陌上苦寒奏使我佇立驚且悲君今得意厭梁肉
豈復念我貧賤時

海風蕭蕭天雨霜窮愁獨坐夜何長驅車舊憶太行險
始知遊子悲故鄉美人相思隔天闕長望雲端不可越
手持瑯玕欲有贈愛而不見心斷絕南山峩峩白石爛
碧海之波浩漫漫參辰出沒不相待我欲橫天無羽翰

湘妃怨

一作湘
靈祠

南巡竟不返二妃怨

一作悲

逾積萬里喪蛾眉瀟湘水空

碧冥冥荒山下古廟收貞魄喬木深青春清光滿

一作肅

瑶席塞芳徒有薦靈意殊脉脉玉佩不可親徘徊烟波

夕

巫山曲

巴江上峽重復重陽臺碧峭十二峯荆王獵時逢暮雨
夜臥高邱夢神女輕紅流烟濕艷姿行雲飛去明星稀
目極魂斷望不見猿啼三聲淚滴衣

巫山高

見盡數萬里不聞三聲猿但飛蕭蕭雨中有亭亭魂千
載楚襄恨遺文宋玉言至今晴明天

一作青冥裏

雲結深閨

門

楚怨

秋入楚江水獨照汨羅魂手把綠荷泣意愁珠淚飜九
門不可入一犬吠千門

塘下行

塘邊日欲斜年少早還家徒將白羽扇調妾木蘭花不

是城頭樹那棲來去鴉

臨池曲

池中春蒲葉如帶紫菱成角蓮子大羅裙蟬鬢寄迎風
雙雙伯勞飛向東

車遥遥

路喜到江盡江上又通舟舟車兩無阻何處不得遊丈
夫四方志女子安可留郎自別日言無令生遠愁旅鴈
忽叫月斷猿寒啼秋此夕夢君夢君在百城樓寄淚無

因波寄恨無因轉願為馭者手與郎迴馬頭

征婦怨二首

良人昨日去明月又不圓別時各有淚零落青樓前君
淚濡羅巾妾淚滿路塵羅巾長在手今得隨妾身路塵
如得風得上君車輪

漁陽千里道近如中門限中門踰有時漁陽長在眼生

在綠

一作絲

羅下不識漁陽道良人自成來夜夜夢中到

空城雀

一雀入官倉所食寧損幾祗慮往覆頻官倉終害爾魚
網不在天鳥羅不張水飲啄要自然可以空城裏

閑怨

妾恨比斑竹下盤煩冤根有筍未出土中已含淚痕

羽林行

朔雪寒斷指朔風勁裂冰胡中射鵬者此日猶不能翩
翩羽林兒錦臂飛蒼鷹揮鞭快白馬走出黃河凌

古意

河邊織女星河畔牽牛郎未得渡清淺相對遙相望

古別離

欲別牽郎衣郎今到何處不恨歸來遲莫向臨邛去

遊俠行

壯士性剛決火中見石裂殺人不迴頭輕生如甞別豈
知眼有淚肯白頭上髮平生無恩酬劒閑一百月

黃雀吟

黃雀舞承塵倚恃主人仁主人忽不仁買彈彈爾身何

不遠飛去蓬蒿正繁新蒿粒無人爭食之足為珍莫覩
翻車粟覩翻罪有因黃雀不知言贈之徒慙慙

有所思

枯槁烽火晝不滅客路迢迢信難越古鎮刀攢萬片霜
寒江浪起千堆雪此時西去定如何空使南心遠淒切

求仙曲

仙教生為門仙宗靜為根持心若妄求服食安足論鏹
或有靈藥餌真成本源自當出塵網馭鳳登崑崙

嬋娟篇

花嬋娟泛春泉竹嬋娟籠曉烟
妓嬋娟不長妍月嬋娟
眞可憐夜半姮娥朝太乙
人間本自無靈匹漢宮承寵
不多時飛燕婕妤相妬嫉

南浦篇

南浦桃花亞水紅水邊柳絮由春風
鳥鳴啾啾煙濛濛
自從遠送對悲翁此翁已與少年別
唯憶深山深谷中

清東曲

金瓶梅詞話卷一
櫻桃花參差香雨紅霏霏含笑競攀折美人濕羅衣采
采清東曲明眸艷珪玉青巾偏上郎上下看不足南陽

公

一作宮

首詞編入新樂錄

孟東野詩集卷一

欽定四庫全書

孟東野詩集卷二

唐 孟郊 撰

樂府下

織女辭

夫是田中郎妾是田中女當年嫁得君為君秉機杼筋
力日已疲不息窓下機如何織紉素自著襤縷衣官家
榜村路更索栽桑樹

古意

蕩子守邊戍佳人莫相從去來年月多苦愁改形容上
山復下山踏草成古蹤徒言採靡蕪十度一不逢鑒獨
是明月識志唯寒松井桃始開花一見悲萬重人顏不
再春桃色有再濃捐氣入空房無慘乍從容啟貼理針
線非獨學裁縫手持未染綵繡為白芙蓉芙蓉無染污
將以表心素欲寄未歸人當春無信去無信反增愁愁
心緣隴頭願君如隴水水鏡水還流宛宛青絲線一作繩
纖纖白玉鈎玉鈎不虧缺青絲無斷絕迴還勝雙手解

盡心中結

折楊柳二首

楊柳多短枝短枝多別離贈遠累攀折柔條安得垂青
春有定節離別無定時但恐人別促不怨來遲遲莫言
短枝條中有長相思朱顏與綠楊併在別離期

樓上春風過風前楊柳歌枝疎綠別苦曲怨為年多花
驚燕地雲葉映楚池波誰堪別離此征戍在交河

和丁助教塞上吟

金史卷之二
哭雪復吟雪廣文丁夫子江南萬里寒曾未及如此整頓氣候誰言從生靈始無令惻隱者哀哀不能已

古怨別

颼颼秋風生愁人怨離別含情兩相向欲語氣先咽心曲千萬端悲來却難說別後唯所思天涯共明月

古別曲

山川古今路縱橫無斷絕來往天地間人皆有離別行衣未束帶中腸已先結不用看鏡中自知生白髮欲陳

去留意聲向言前咽愁結填心胃茫茫若為說荒郊煙
莽蒼曠野風淒切處處得相隨人那不如月

樂府戲贈陸大夫十二丈三首

蓮子不可得荷花生水中猶勝道傍柳無事

一作時

蕩春

風

綠萍與荷葉同此一水中風吹荷葉在綠萍西復東

蓮葉未開時苦心終日卷春水

一作風

徒蕩漾荷花未開

展

戲荅

陸長源

芙蓉初出水，菡萏露中花。
風吹著枯木，無奈值空槎。

勸善吟

醉會中贈
郭行餘

瘦郭有志氣，相哀老龍鍾。
勸我少吟詩，俗窄難爾容。
一口百味別，況在醉會中。
四座正當喧，片言何由通。
顧余昧時調，居止多疎慵。
見書眼始開，聞樂耳不聰。
視聽互相隔，一作會一身且莫同。
天疾難自醫，詩僻將何攻。
見君如見書，語善千萬重。
自悲咄咄感，變作煩惱翁。
煩惱不如見書語，善千萬重自悲咄咄感，變作煩惱翁煩惱不

可欺

一作不可欺古劍

古劍澀亦雄知君方少年少年懷古風

藏書挂屋脊不借與凡聾我願拜少年師之學崇崇從
他笑為矯矯善亦可宗

望夫石

望夫石夫不來兮江水碧行人悠悠朝與暮千年萬年
色如故

寒江吟

冬至日光白始知陰氣凝寒江波浪凍

一作急

千里無平

水飛鳥絕高羽

一作羽樹

行人皆晏興
荻洲素浩渺
碕岸澌

礮礮煙舟忽自阻
風帆不相乘
何況異形體
信任為股

肱涉江莫涉凌
得意須得朋
結交非賢良
誰免生愛憎

凍水有再浪
失飛有載騰
一言縱醜詞
萬響無善應
取

鑒諒不遠江水
千萬層何當
春風吹利涉
吾道弘

感興上

審交

種樹須擇地
惡土變木根
結交若失人
中道生謗言
君

子芳桂性春榮冬更繁

一作春濃
寒更繁

小人槿花心朝在夕

不存莫躡冬水堅中有潛浪翻唯當金石交可以賢達

論

怨別

一別一迴老志士白髮早在富易為容居貧難自好沈

憂損性靈服藥亦枯槁秋風遊子衣落日行遠道君問

去何之賤身難

一作
寧

自保

百憂

萱草女兒花不解壯士憂壯士心是劍為君射斗牛朝

思除國讎

一作難

暮思除國讎計盡山河畫意窮草木籌

智士日千慮愚夫唯四愁何必在波濤然後驚

一作生

沈

浮伯倫心不醉四皓迹難留出處各有時衆議徒啾啾

路病

病客無主人艱哉求臥難飛光走道路內火焦肺肝欲
飲井泉竭欲醫囊用單稚顏能幾日壯志忽已殘人子

不言苦歸書但云

一作言

安愁環在我腸宛轉終無端

衰松

近世交道衰青松落顏色人心忌孤直木性隨改易既
摧栖日幹未展擎天力終是君子材還思君子識

遣興

絃貞五條音

一作音調

松直百尺心貞絃含古風直松凌高

岑浮聲與狂葩胡為欲相侵

退居

一作退老

退身何所食敗力不能閒種稻耕白水負薪砍青山衆

金匱要略卷二
聽喜已唱獨醒愁楚顏日暮靜歸時幽幽扣松關

臥病

貧病誠可羞故牀無新裘

一作貧病對客羞數整藍綈裘

春色燒肌膚

時飧苦咽喉倦寢意蒙昧強言聲幽柔承顏自俛仰有淚不敢流默默寸心中朝愁續暮愁

隱士

本末一相返漂浮不還真山野多餒士市井無饑人虎豹忌當道麋鹿知藏身奈何貪競者日與患害親顏貌

歲歲改利心朝朝新孰知富生禍取富不取貧寶玉忌
出璞出璞先為塵松栢忌出山出山先為薪君子隱石
壁道書為我鄰寢興思其義澹泊味始真陶公自放歸
尚平去有依草木擇地生禽鳥順性飛青青與冥冥所
保各不違

獨愁

一作
獨怨

前日遠別離昨日生白髮欲知萬里情曉臥半牀月常
恐百蟲鳴使我芳草歇

春日有感

雨滴草芽出一日長一日風吹柳線垂一枝連一枝獨
有愁人顏經春如等閑且持酒滿杯狂歌狂笑來

將見故人

故

一作佳

人季夏中及此百餘日無日不相思明鏡改形

質寧知仲冬時忽有相逢期振衣起躑躅頰鯉躍天池

傷時

常聞貧賤士之常嗟爾富者莫相笑男兒得路即榮名

邂逅失途成不調古人結交而重義今人結交而重利
勸人一種種桃李種亦直須遍天地一生不愛囑人事
囑即直須為生死我亦不羨季倫富我亦不笑原憲貧
有財有勢即相識無財無勢同路人因知世事皆一作只
如此却向東溪臥白雲

寓言

誰言碧山曲不廢青松直誰言濁水泥不污明月色我
有松月心俗騁風霜力貞明既如此摧折安可得

偶作

利劍不可近美人不可親
利劍近傷手美人近傷身
道險不在廣十步能摧輪
情憂不在多一夕能傷神

勸學

擊石乃有火不擊元無煙
人學始知道不學非自然
萬事須已運他得非我賢
青春須早為豈能長少年

贈農人

勸爾勤耕田盈爾倉中粟
勸爾伐桑株減爾身上服
清

霜一委地萬草色不綠狂飈一入林萬葉不著木青春
如不耕何以自結束

長安早春

旭日朱樓光東風不驚塵公子醉未起美人爭探春探
春不為桑探春不為麥日日出西園祇望花柳色乃知
田家春不入五侯宅

罪松

雖為青松姿霜風何所宜二月天下樹綠於青松枝勿

謂賢者喻勿謂愚者規伊呂代封爵夷齊終身饑彼曲
既在斯我正實在茲涇流合渭流清濁各自持天令設
四時榮衰有常期榮合隨時榮衰合隨時衰天令既不
從甚不敬天時松乃不臣木青青獨何為

感興

拔心草不死去根柳亦榮獨有失意人恍然無力行昔
為連理枝今為斷絃聲連理時所重斷絃今所輕吾欲
進孤舟三峽水不平吾欲載車馬太行路崢嶸萬物根

一氣如何互相傾

感懷八首

秋氣悲萬物驚風振長道登高有所思寒雨傷百草平生有親愛零落不相保五情今已傷安得自能老

晨登洛陽坂目極天茫茫羣物歸大化六龍頽西荒豺狼日已多草木日已霜饑年無遺粟衆鳥去空場路傍誰家子白首離故鄉含酸望松柏仰面訴穹蒼去去勿復道苦饑形貌傷

徘徊不能寐耿耿含酸辛中夜登高樓憶我舊星辰四
時互遷移萬物何時春唯憶首陽路永謝當時人

長安嘉麗地宮月生蛾眉陰氣凝萬里坐看芳草衰玉
堂有玄鳥亦以從此辭傷哉志士嘆故國多遲遲深宮

豈無樂擾擾復何為朝見名與利暮還生是非

一作是
與非

姜牙佐周武世業永巍巍

舉才天道親首陽誰採薇去去荒澤遠落日當西歸義
和駐其輪四海借餘暉極目何蕭索驚風正離披鵠鵠

鳴高樹衆鳥相因依東方有一士歲暮常苦飢主人數

相問脉脉今何為貧賤亦有樂且願掩

一作守

柴扉

火雲流素月三五何明明光曜侵白日賢愚迷至精四
時更變化天道有虧盈常恐今已沒須臾還復生

河梁暮相遇

一作逢

草草不復言漢家正離亂王粲別荆

蠻野澤何蕭條悲風振空山舉頭是星辰念我何時還

親愛久別散形神各離遷未為生死訣長在心目間

有鳥東西來哀鳴過我前願飛浮雲外飲啄見青天

達士

四時如逝水百川皆東波青春去不還一作迴白髮鑷更

多達人識元氣

一作化

變愁為高歌傾產取一醉富者奈

貧何君看土中宅富貴

一作已矣

無偏頗

暮秋感思二首

西風吹垂楊條條脆如藕上有噪日蟬催人成皓首亦

恐旅步難何獨朱顏醜

一作朽

欲慰一時心莫如千日酒

優哉遵渚鴻自得養身旨不啄太倉粟不飲方塘水振

羽戛浮雲且羅任徒爾

古興

楚血未乾衣荆虹尚埋輝痛玉不痛身抱璞求所歸

勸友

至白涅不緇至交淡不疑人生靜躁殊莫猷相箴規膠

漆武可接金蘭文可思堪嗟無心人不如松栢一作青松枝

一作
姿

夷門雪贈主人

夷門貧士空吟雪夷門豪士皆飲酒酒聲歡閑入雪銷
雪聲激切悲枯朽悲歡不同歸去來萬里春風動江柳

答

陸長源

好丹與素通不同失意得途事皆別東鄰少年樂未央
南客思歸腸欲絕千里長河水復水雲鴻冥冥楚山雪

堯歌二首

一作舜歌前篇賞鄭氏
莊客去婦後篇題

爾室何不安爾孝無與齊一言應對姑一度為出妻往
轍才晚鐘還轍及晨難往還跡徒新狼戾竟獨迷娥女

無禮數污家如糞泥父母吞聲哭禽鳥亦為啼如何天
與惡不得和鳴棲

山色挽心肝將歸盡日看村肩籃輦子野坐白髮官

一作

冠驚弄方短短花明碎攢攢瑠璃堆可掬琴瑟饒多歡
翠韻仙窈窕嵐漪出無端養館洞庭秋響荅虛吹彈



孟東野詩集卷二

欽定四庫全書

集部

孟東野詩集卷

三五

詳校官監察御史_臣范衷

檢討_臣何思鈞覆勘

覆校官中書_臣王慶長

校對官中書_臣王鍾泰

謄錄貢生_臣趙希濬

欽定四庫全書

孟東野詩集卷三

唐 孟郊 撰

感興下

亂離

天下無義劍中原多瘡痍
哀哀陸大夫正直神反欺予
路已成血嵇康今尚嗤
為君每一慟如劍在四肢
折羽不復飛逝水不復歸
直松摧高柯弱蔓將何依
朝為春日歡夕為秋日悲
淚下無尺寸紛紛天雨絲
積怨成疾

疥積恨成狂癡怨草豈有邊恨水豈有涯怨恨馳我心
茫茫日何之

勸酒

白日無定影清江無定波人無百年壽百年復如何堂
上陳美酒堂下列清歌勸君金屈卮勿謂朱顏醜歲歲
松栢茂邱陵日日多君看終南山千古青莪我

去婦

君心匣中鏡一破不復全妾心藕中絲雖斷猶牽連安

知御輪士今日翻迴轅一女事一夫安可再移天君聽
去鶴言哀哀七絲絃

君子勿鬱鬱士有謗毀者作詩以贈之二首

君子勿鬱鬱聽我青蠅歌人間少平地森聳山岳多折
輒不在道覆舟不在河須知一尺水日夜增高波叔孫
毀仲尼臧倉掩孟軻蘭艾不同香自然難為和良玉燒
不熟直竹文不頗自古皆如此其如道在何

日往復不見秋堂暮仍學玄髮不知白曉入寒銅覺為

林未離樹有玉猶在璞誰把碧梧枝刻作雲門樂

聞砧

杜鵑聲不哀斷猿啼不切月下誰家砧一聲腸一絕杵聲不為客客聞髮自白杵聲不為衣欲令遊子歸

遊子

萱草生堂堦遊子行天涯慈親倚堂門不見萱草花

自歎

愁與髮相形一愁白數莖有髮能幾多禁愁日日生古

若不置兵天下無戰爭古若不置名道路無歆傾太行
聳巍我是天產不平黃河奔濁浪是天生不清四蹄日
日多雙輪日日成二物不在天安能免營營

求友

北風臨大海堅冰臨河面下有波瀾對之無由見求
友須在良得良終相善求友若非良非良中道變欲知
求友心先把黃金鍊

投所知

苦心知苦節不容一毛髮鍊金索堅貞洗玉求明潔自
慙所業微功用如鳩拙何殊嫫母顏對彼寒塘月君存
古人心道出古人轍盡美固可揚片善亦不遏朝向公
卿說暮向公卿說誰謂黃鍾管化為君子舌一說清嶰
竹二說變嶰谷三說四說時寒花拆寒木曄曄家道路
燦燦吾衣服豈直輝友朋亦用慰骨肉一暖荷疋素一
飽荷升粟而況大恩恩此身報得足且將食蘖勞酬之
作金刀

病客吟

主人夜呻吟皆入妻子心遠客

一作客子

晝呻吟徒為蟲鳥

音妻子手中病愁思不復深僮僕手中病憂危獨難任

大夫久漂泊神氣自然沈況於滯疾中何人免噓歎大

海亦有涯高山亦有岑沈

一作此

憂獨無極塵淚耳盈襟

感懷

孟冬陰氣交兩河正屯兵煙塵相馳突烽火日夜驚太
行險阻高輓粟輸連營奈何操弧者不使梟巢傾猶聞

漢北兒怙亂謀縱橫擅搖干戈柄呼叫豺狼聲白日臨
爾軀胡為喪丹誠豈無感激士以致天下平登高望寒
原黃雲鬱崢嶸坐馳悲風暮歎息空沾纓

離思

不寐亦不語片月秋梢舉孤鴻憶霜羣獨鶴叫雲侶怨
彼浮花心飄飄無定所高張係絳帆遠過梅根渚迴織
別離字機聲有酸楚

結交

鑄鏡須青銅青銅易磨拭結交遠小人小人難姑息鑄
鏡圖鑒微結交圖相依凡銅不可照小人多是非

傷春

兩河春草海水清十年征戰城郭腥亂兵殺兒將女去
二月三月花冥冥千里無人旋風起鶯啼燕語荒城裏
春色不揀墓傍枝紅顏皓色逐春去春來春來那得知
令人看花古人墓令人惆悵山頭路

擇友

獸中有人性形異遭人隔人中有獸心幾人能真識古
人形似獸皆有大聖德令人表似人獸心安可測雖笑
未必和雖哭未必戚面結口頭交肚裏生荆棘好人常
直道不順世間逆惡人巧諂多非義苟且得若是做真
人堅心如鐵石不諂亦不欺不奢復不溺面無怯色容
心無詐憂惕君子大道人朝夕恒的的

夜憂

豈獨科斗死所嗟文字捐蒿蔓轉驕王菱荇減嬋娟未

遂擺鱗志空思吹浪旋何當再霖雨洗濯生華鮮

惜苦

于鵠值諫議以毡不能官焦蒙值舍人以杯不得完

一作

官可惜大雅旨意此小團欒名迴不敢辨心轉實是難
不惜為君轉轉非君子觀轉之復轉之強轉誰能歡哀
哉虛轉言不可窮波瀾

寒地百姓吟

為鄭相其年居河南
畿內百姓大蒙矜恤

無火炙地眠半夜皆立號冷箭何處來棘針風騷勞

一作

駢

霜吹破四壁苦痛不可逃高堂榼鐘飲到曉聞烹炮

寒者願為蛾燒死彼華膏華膏隔仙羅虛遶千萬遭
到頭落地死踏地為遊遨遊遨者是誰君子為鬱陶

出東門

餓馬骨亦聳獨驅出東門少年一日程衰叟十日奔寒
景不我為疾走落平原眇默荒草行恐懼夜魄翻一生
自組織千首大雅言道路如抽蠶宛轉羈腸繁

教坊歌兒

十歲小小兒能歌得聞

一作朝

天六十孤老人能詩獨臨

川去年西京寺衆伶集講筵能嘶竹枝詞供養繩牀禪
能詩不如歌悵望三百篇

訪疾

冷氣入瘡痛夜來痛如何瘡從公怒生豈以私恨多公
怒亦非道怒消乃天和古有煥輝句嵇康開婆婆請君
吟嘯之正氣庶不訛

酒德

酒是古明鏡，輾開小人心。醉見異舉止，醉聞異聲音。酒功如此多，酒屈亦以深。罪人免罪酒，如此可為箴。

冬日

老人行人事，百一不及周。凍馬四蹄吃，陟卓難自收。短景反飛過，午光不上頭。少壯日與輝，衰老日與愁。日愁疑在日，歲箭迸如讎。萬事有何味，一生虛自_{一作}因。不知文字利，到死空遨遊。

饑雪吟

饑鳥夜相啄，瘡聲互悲鳴。
冰腸一直刀，天殺無曲情。
大雪壓梧桐，折柴墮崢嶸。
安知鸞鳳巢，不與梟鵂傾。
下有幸災兒，拾遺多新爭。
但求彼失所，但誇此經營。
一作誇誕自經
營君子亦拾遺，拾遺非拾名。
將補鸞鳳巢，免與梟鵂并。
因為饑雪吟，至曉竟一作意不平。

偷詩

餓犬齧枯骨，自喫饒饒涎。
今文與古文，各各稱可憐。
亦如嬰兒食，餬桃口旋旋。
唯有一點味，豈見逃景延。
繩牀

獨坐翁默覽有所傳終當罷文字別著逍遙篇從來文字淨君子不以賢

晚雪吟

貧富喜雪晴出門意皆饒鏡海見纖悉冰天步飄颻一
一仙子行家家塵聲銷小兒擊玉指大耋歌聖朝睿氣
流不盡瑞仙何處寥始知望幸色終疑異禮招市井亦
清潔閭閻聳蒼莖蒼生願東顧翠華仍西遙天念豈薄
厚宸衷多憂焦憂焦致太平以茲時比堯古耳有未通

新詞有潛韶甘為酒伶擯生恥歌女嬌選音不易言裁
正逢今朝今朝前古文律異同一調願於堯瑄中奏盡
鬱抑謠

自惜

傾盡眼中力抄詩過與人自悲風雅老恐被巴竹嗔零
落雪文字分明鏡精神坐甘冰抱晚永謝酒懷春徒有
言言舊慙無默默新始驚儒教誤漸與佛乘親

老恨

無子抄文字老吟多飄零有時吐向牀枕席不解聽鬪
蟻甚微細病聞亦清冷小大不自識自然天性靈

詠懷上

湖州取解述情

雲水徒清深照影不照心白鶴未輕舉衆鳥爭浮沈因
茲挂帆去遂作歸山吟

落第

曉月難為光愁人難為腸誰言春物榮豈見葉上霜一作

獨見花
上霜

鷓鴣

一作
鶴鵲

失勢病

一作飛
失勢

鷓鴣假

一作
改

翼翔棄

置復棄置情如刀刀傷

詠情

一作
感遇

濁水心易

一作已

傾明波興初發思逢海底人乞取蚌中

月此興若未諧此心終不歇

病起言懷

強行尋溪

一作淨

水洗却殘病姿花景晚晚盡夢風清冷

吹交道卧來見世情貧去知高閑思楚逸澹泊

一作
淺薄厭

齊兒終伴碧山侶結言青桂枝

秋夕貧居述懷

卧冷無遠夢聽秋酸別情高枝低枝風千葉萬葉聲淺
井不供飲瘦田長廢耕今交非古交貧語聞皆輕

夜感自遣

一作矢志夜坐思歸
楚江又作苦學吟

夜學曉未休苦吟神鬼愁如何不自開心與身為讎死
辱片時痛生辱長年羞清桂無直枝碧江思舊遊

再下第

一夕九起嗟夢短不到家兩度長安陌空將淚見花

下第東歸留別長安知己

共照日月影獨為愁思人豈知鷓鴣鳴

一作鷓鴣等閑鳴

瑤草

不得春一片兩片雲千里萬里身雲歸嵩之陽身寄江
之濱棄置復何道楚情吟白蘋

失意歸吳因寄東臺劉復侍御

自念西上身忽隨東歸風長安日下影又落江湖中離
妻豈不明子野豈不聰至寶非眼別至音非耳通因緘

俗

一作物

外詞仰寄高天鴻

下第東南行

越風東南清楚日瀟湘明試逐伯鸞去還作靈均行江
離伴我泣海月投人驚失意容貌改畏塗性命輕時聞
喪侶猿一叫千愁并

一作生

歎命

三十年來命唯藏一卦中題詩還怨易問易蒙復蒙本
望文字達今因文字窮影孤別離月衣破道路風歸去

不自息耕耘成楚農

遠遊

慈烏不遠飛孝子念先歸而我獨何事四時心有違江

海戀空積波濤信來稀長為路傍食著盡家中衣別一作

烈劍不割物離人難作威遠行少僮僕驅使無是非為

性玩好盡積愁心緒微始知時節駛一作是愛一作日非長輝

商州客舍

商山風雪壯遊子衣裳單四望失道路百憂攢肺肝日

短覺易老夜長知至寒淚流瀟湘絃調苦屈宋彈識聲
今所易識意古所難聲意今詎辨一作竟高明鑒其端

誰辨

長安旅情

盡說青雲路有足皆可至我馬亦四蹄出門似無地玉
京十二樓我倚青翠下有千朱門何門薦孤士

長安羈旅

聽樂離別中聲聲入幽腸曉淚滴楚瑟夜魂遶吳鄉幾
迴羈旅情夢覺殘燭光

渭上思歸

獨訪千里信迴臨千里河家在

一作住

吳楚鄉淚寄東南

一作流波

登科後

昔日齷齪不足誇今朝放蕩思無涯
春風得意馬蹄疾一日看徧長安花

初於洛中選

塵土日易沒驅馳力無餘青雲不我與
白首方選書宦

途事非遠拙者取自踈終然戀皇邑誓以結吾廬帝城
富高門京路饒勝居碧水走龍狀蜿蜒遶庭除尋常異
方客過此亦踟躕

乙酉歲舍弟扶侍歸興義莊居後獨止舍待替
人

誰言舊居止主人忽成客僮僕強與言相懼終脈脈出
亦何所求入亦何所索飲食迷精麤衣裳失寬窄迴風
卷開簾新月生空壁士有百役身官無一姓宅丈夫恥

自飾衰鬢從颯白蘭交早已謝榆景徒相迫惟予心中
鏡不語光厯厯

西齋養病夜懷多感因呈上從叔子雲

遠客夜衣薄厭眠待雞鳴一牀空月色四壁秋蛩聲守
淡遺衆俗養疴念餘生方全君子拙恥學小人明蚊虻
亦有時羽毛各有成如何騏驥跡蹉跎未能行西北有
平路運來無相輕

孟東野詩集卷三

欽定四庫全書

孟東野詩集卷四

唐 孟郊 撰

詠懷下

秋懷十五首

孤骨夜難卧吟蟲相唧唧老泣無涕洟秋露為滴漉去
壯暫如翦來衰紛似織觸緒無新心叢悲有餘憶詎忍
逐南帆江山踐往昔

秋月顏色冰

去聲

老客志氣單冷露滴夢破峭風梳骨寒

席上印病文腸中轉愁盤疑懷無所憑虛聽多無端梧
桐枯崢嶸聲響如哀彈

一尺月透戶仵栗如劍飛老骨坐亦驚病力所尚微蟲

苦貪

一作含

剪色鳥危巢焚輝嬌娥理故絲

一作煩緒

孤哭

一作

坐抽餘噫浮年不可追衰步多夕歸

秋至老更貧破屋無門扉一片月落牀四壁風入衣疎

夢不復遠弱心良易歸商葩將去

一作老

綠繚繞爭餘輝

野步踏事少病謀向物違幽幽草根蟲生意與我微

竹風相夏語幽閨暗中聞鬼神滿衰聽恍惚難自分商
葉隨乾雨秋衣卧單雲病骨可剝物酸呻亦成文瘦攢
如此枯壯落隨西曛裊裊一線命徒言繫網緼

老骨懼秋月秋月刀劒稜纖輝不可干冷魂坐自凝羈
雌巢空鏡仙飈蕩浮冰驚步恐自翻病大不敢凌單牀
寤皎皎瘦卧心兢兢洗河不見水透濁為清澄詩壯昔
空說詩衰今何憑

老病多異慮朝夕非一心商蟲哭哀運繁響不可尋秋

草瘦如髮貞芳綴疎金晚鮮詎幾時馳景還易陰弱習
徒自耽暮知欲何任露才一見讒潛智早已深防深不
防露此意古所箴

歲暮景氣乾秋風兵甲聲織織勞無衣嚶嚶徒自鳴商
聲聳中夜蹇支廢前行青髮如秋園一翦不復生少年
如餓花瞥見不復明君子山岳定小人絲毫爭多爭多
無壽天道戒其盈

冷露多瘁索枯風饒吹噓秋深月清苦蟲老聲羸疎顙

珠枝累累芳金蔓舒舒草木亦趨時寒榮似春餘自悲

一作悲彼

零落生與我心何如

老人朝夕異生死每日中坐隨一吸安卧與萬景空視

短不到門聽澀詎逐風還如刻削形免有纖悉聽浪浪

謝初始皎皎幸歸終孤隔文章友親密蒿萊翁歲綠閔

以黃秋節迸已

一作又

窮四時既相迫萬慮自然叢南逸

浩淼際北貧磽确中曩懷沈遥江哀思結秋蒿鋤食難
滿腹葉衣多醜躬塵縷不自整古吟將誰通幽竹嘯鬼

神楚鐵生虬龍志士多異感運鬱由邪衷常思書破衣
至死教初童習樂莫習聲習聲多頑聾明明胷中言願
寫為高崇

幽苦日日甚老力步步微常恐暫下牀至門不復歸饑
者重一食寒者重一衣泛廣豈無疾恣行亦有隨一作隨時

語中失次第身外生瘡痍桂蠹既潛朽一作汚桂花損貞

姿詈言一失香千古聞臭詞將死始前悔前悔不可追

哀哉輕薄行終日與駟馳

一作欲
駟馳

流運閃欲盡枯折皆相號棘枝風哭酸桐葉霜顏高老

蟲乾鐵鳴驚獸孤玉咆商氣洗

一作滿

聲瘦晚陰驅景勞

集耳不可遏噎神不可逃蹇行散餘鬱幽坐誰與曹抽

壯無一線剪懷盈千刀清詩既名眺

一作清
既名郊

金菊亦

姓陶收拾昔所棄咨嗟令比毛幽幽歲晏言零落不可

操

霜氣入病骨老人身生水衰毛暗相刺冷痛不可勝驚
驚伸至明強強擾所憑瘦坐形欲折晚饑心將崩勸樂

左右惡言語如見憎聳耳噎神開

一作聳
神氣開

始知功用

一作者

能日中視餘瘡暗鏢

一作隙

聞繩

一作細

蠅彼齁一何

酷此味半點凝潛毒爾無厭餘生我堪矜凍飛幸不遠

冬令反心憊出沒各有時寒熱苦

一作莫

相凌仰謝調運

翁請命願有徵

黃河倒上天衆水有却來人心不及水一直去不迴一
直亦有巧不肯至蓬萊一直不知疲唯聞至省臺忍古
不失古失古志易推失古劍亦折失古琴亦哀夫子失

古淚當時落淮淮詩老失古心至今寒皚皚古骨無濁
肉古衣如蘚苔勸君勉忍古忍古銷塵埃

詈言

一作署劍

不見血殺人何紛紛聲如窮家犬吠竇何閤

閤詈痛幽鬼哭詈言侵黃金貧言詞豈用多憔悴在一聞
古詈舌不死至今云書云今人詠古書善惡直自分秦
火不焚舌秦火空焚文所以詈更生至今橫網緼

靖安寄居

寄靜不寄華愛茲嵒嶮居渴飲濁清泉饑食無名蔬敗

菜

一作葉

不敢火補衣亦寫書古云儉成德今乃實起予

顛叟顛不足賢人賢有餘役生皆促促心竟誰舒舒萬
馬踏風衝衆塵隨奔車高賓盡不見大道夜方虛卧有
洞庭夢坐無長安儲英髦空駭耳煙火獨微如厚意恐
傷性薄田憶親鋤承一作忙世不出力冬竹肯抽殖外物
莫相誘約心誓從初碧芳既似水日日詠歸歟

雪

忽然太行雪昨夜飛入來峻嶒墮庭中嚴白何皚皚奴

婢曉開戶四肢凍徘徊咽言詞不成告訴情狀摧官給
未入門家人盡以灰意勸莫笑雪笑雪貧為災將暖此
殘疾典賣爭致杯教令再舉手誇曜餘生才強起吐巧
詞委曲多新裁為爾作非夫忍恥轟喝雷書之與君子
庶免生嫌猜

春愁

春物與愁客遇時各有違故花辭新枝新淚落故衣日
暮兩寂寞飄然亦同歸

懊惱

惡詩皆得官好詩空抱山抱山冷
殢殢終日悲顏顏好
詩更相嫉劒戟生牙關前賢死已久猶在咀嚼間
以我殘抄身清峭養高閒求閒未得閒衆誚瞋虬

遊適上

遊城南韓氏莊

初疑瀟湘水鑠在朱門中時見水底月動搖池上風

一作

有時池底山清氣潤竹木白光連虛空
浪簇霄漢羽岸動搖池上風

芳金碧叢何言數畝間環泛路不窮願逐

一作常慕

神仙侶

飄然

一作從茲

汗漫通

與二三友秋宵會話清上人院

何處山不幽此中情又別一僧敲一磬七子吟秋月激
石泉韻清寄枝風嘯咽冷然諸境靜頓覺浮累滅扣寂
兼探真通宵詎能輟

夜集

好鳥無雜棲華堂有嘉攜琴樽互傾奏歌賦相和諧但

嘉魚水合莫令雲雨乖一為鷓鴣彈再鼓壯士懷初景
待誰曉新春逐一作還君來願言良友會高駕不知迴

招文士飲

曹劉不免死誰敢負年華文士莫辭酒詩人命屬花退
之如放逐李白自矜夸萬古忽將似一朝同嘆嗟何言
天道正獨使地形斜南士愁多病北人悲去家梅芳已
流管柳色未藏鵝相勸罷吟雪相從愁飲霞醒時不可
過愁海浩無涯

陪侍御叔遊城南山墅

夜坐擁腫亭晝登崔嵬岑日窺萬峯首月見雙泉心松
氣清耳目竹氛碧衣襟佇想一作悲琅玕字數聽枯槁吟

登華嚴寺樓望終南山贈林校書兄弟

地脊亞為崖聳出冥冥中樓根插迴雲殿翼翔危空前
山胎元氣靈異生不窮勢吞萬象高秀奪五岳雄一望
俗慮醒再登仙願崇青蓮三居士晝景貞賞同

遊終南山

南山塞天地日月石上生高峯夜留景

太白峯西黃昏後見餘日

深

谷晝未明山中自正路險心亦平長風驅松柏聲拂

萬壑清到此悔讀書朝朝近浮名

遊終南龍池寺

飛鳥不到處僧房終南巔龍在水長碧雨開山更鮮步

出白日上坐依清溪邊地寒松桂短石險道路

一作磴偏

晚磬送歸客數聲落遙天

南陽公請東櫻桃亭子春讌

萬木皆未秀一林先含春此地獨何力我公布深仁霜
葉日舒卷風枝遠埃塵初英濯紫霞飛雨流清津賞異
出囂雜折芳積歡忻文心茲焉重俗尚安能珍碧玉糝
粉比飛瓊穠豔均鴛鴦七十二花態併相新常恐遺秀
志迨茲廣譙陳芳菲爭勝引歌詠竟良辰方知戲馬會
永謝登龍賓

遊華山雲臺觀

華嶽獨靈異草木恒新鮮山盡五色石水無一色泉仙

金少卿八
卷四
酒不醉人仙芝皆延年夜聞明星館時韻女蘿絃敬茲
不能寐焚栢吟道篇

喜與長文上人宿李秀才小山池亭

燈盡語不盡主人庭砌幽柳枝星影曙蘭葉露華浮塊
嶺笑羣岫片池輕衆流更聞清淨子逸唱頗難儔

邀花伴

時在
朔方

邊地春不足十里見一花及時須遨遊日暮饒風沙

石淙十首

巖谷不自勝水木幽竒多朔風入空曲涇

一作流

無大

波迢迢逗難盡參差勢相羅雪霜有時洗塵土無由和
潔冷誠未厭晚步將如何

出曲水未斷入山深更重泠泠若仙語皎皎多異容萬
響不相雜四時皆自濃日月可分照雲霞各生峯久迷
向方理逮茲聳前蹤

荒策每恣遠慙步難自迴已抱苔蘚疾

一作病

尚凌潺湲

隈驛驥苦銜勒籠禽恨摧頽實力苟未足浮誇信悠哉

顧惟非時用靜言還自咍

朔水刀劒利秋石瓊瑤鮮魚龍氣不腥潭洞狀更妍磴

雪入呀谷掬星灑遙天聲忙一作迫不及韻勢疾多斷漣

輸去雖有恨躁氣一作翻一何顛蜿蜒相纏掣犖角亦迴

旋黑草濯鐵髮白苔浮冰錢具一作其生此云遙非德不

可甄何況被犀士制之空以權始知靜剛猛文教從來

先

空谷聳視聽幽湍澤心靈疾流脫鱗甲疊岸衝風霆丹

巖墮瓌景霽波灼

一作閃

虛形淙淙厯厚軸稜稜攢高冥

弱棧跨旋碧危梯倚凝青飄颻鶴骨仙飛動鼇背庭

一作

亭

常聞誇大言下顧皆細萍

百尺明鏡流千曲寒星飛為君洗故物有色如新衣不
飲泥土污但飲雪霜饑石稜玉纖纖草色瓊霏霏谷皚
有餘力溪春亦多機從來一智萌能使衆利歸因之山
水中喧然論是非

入深得奇趣昇險為良躋搜勝有聞見逃俗無蹤蹊穴

流迥迴轉寂景忘東西
顛獸鮮猜懼羅人巧且第幽馳
異處所忍慮多端倪虛獲我何飽
實歸彼非迷斯文浪云潔此旨誰得齊

屑珠瀉潺湲裂玉何威瓌
若調千瑟絃未果一曲諧古駭

毛髮慄險驚視聽乖二一作土老皆勁骨風趨緣歌崖地遠

有餘一作道美我遊採棄一作奇懷乘時辛勤鑒前恨多幽霾

弱力謝剛健策貴安排始知隨事靜何必當夕齋

昔浮南渡颶今攀朔山景物色多瘦削吟笑還孤永日

月凍有稜雪霜空無影玉噴不生冰瑤渦旋成井潛角
時聳光隱鱗乍漂回再吟獲新勝返步失前省愜懷雖
已多惕慮未能整頽陽落何處昇魄銜疎嶺

聖朝搜巖谷此地多遺玩怠墮成遠遊頽疎恣靈一作虛

觀勁飈刷幽視怒水懾餘湍一作湍曾是結芳一作芳誠遠

茲勉流倦冰條聳危慮霜翠瑩遐盼物誘信多端荒尋
諒難遍去矣朔之隅儵然楚之甸

遊韋七洞庭別業

洞庭如瀟湘疊翠蕩浮碧松桂無赤日風物饒清激道
遙展幽韻參差逗良覲道勝不知疲冥搜自無數曠然
青霞抱永矣白雲適崆峒非凡鄉蓬瀛在仙籍無言從
遠尚還思君子識

一作茲馬
與之敵

波濤漱古岸鏗鏘辨奇石

靈響非外求殊音自中積人皆走煩濁君能致虛寂何
以祛擾擾叩調清淅淅既懼豪華損誓從詩書益一舉
獨往姿再搖飛遁跡山深有變異意愜無驚惕采翠奪
日日照曜迷晝夕松齋何用掃蘿院自然滌業峻謝煩

蕪丈高追古昔暫遙朱門戀終立青史績物表易淹留
人間重離析難隨洞庭酌且醉橫塘席

越中山水

日一作動覺耳目勝我來山水州蓬瀛若髣髴田一作四野

如泛浮碧嶂幾千遶清泉一作源萬餘流莫窮合杳步孰

盡派別遊越水淨難污越天陰易收氣鮮無隱物目視

遠更周舉俗一作族媚葱蒨連冬擷芳柔菱湖有餘翠茗

圃無荒疇賞異忽已遠探奇誠淹留永言終南色去矣

銷人憂

春集越州皇甫秀才山亭

嘉賓

一作嘉誘
一作善友

在何處置亭春山巔顧余寂寞者謬廁

芳菲筵視聽日澄澈聲光坐連綿晴湖瀉峯嶂翠浪多

萍蘚何以逞高志為君吟秋天

一作
秋篇

和皇甫判官遊琅琊溪

山中琉璃境物外琅琊溪房廊逐巖壑道路隨高低碧
瀨漱白石翠煙含青蛻客來暫遊踐意欲忘簪珪樹杪

燈火夕雲端鐘梵齊時同雖可仰跡異難相攜唯當清

宵夢髣髴願

一作攀躋

期

孟東野詩集卷四

欽定四庫全書

孟東野詩集卷五

唐 孟郊 撰

遊適下

汝州南潭陪陸中丞公燕

一雨百泉漲南潭夜來深分明碧沙底寫出青天心遠

客洞庭至因茲滌煩襟既登飛一作青雲舫願奏清風琴

高岸立旗戟潛蛟失一作浮沈威稜護斯浸廻廻逃所

侵山態變初霽水聲流清音耳目極眺聽潺湲與欽岑

誰言柳太守空有白蘋吟

汝州陸中丞席喜張從事至同賦十韻

汝水無濁波汝山饒奇石大賢為此郡佳士來如積有
客乘白駒奉義愜所適清風蕩華館雅瑟泛瑤席芳醕
靜無喧金樽光有滌縱情孰慮損聽論自招益願折若
木枝却彼曜靈夕貴賤一相接一作憂 一作情 悵忽轉易
會合勿言輕別離古來惜請君駐征車良過難再覲

夜集汝州郡齋聽陸僧辯彈琴

康樂寵詞客清宵意無窮徵文北山

一作
聰

外借月南樓

中千里愁併盡一樽歡暫同胡為戛楚琴

一作
瑟

浙瀝起

寒風

同年春燕

少年三十士嘉會良在茲高歌搖春風醉舞摧花枝意
蕩晚晚景喜凝芳菲時馬跡攢騷衆樂聲韻參差視聽
改舊趣物象含新姿紅雨花上滴綠煙柳際垂淹中講
精義南皮獻清詞前賢與今人千載為一期明鑒有皎

潔澄玉無磷縑永與沙泥別各整雲漢儀盛氣自中積
英名日四馳塞鴻絕儔匹海月難等夷鬱抑忽已盡親
朋樂無涯幽蘅發空曲芳杜綿所思浮跡自聚散壯心
誰別離願保金石志無令有奪移

羅氏花下奉招陳侍御

眼在枝上春落地成埃塵不是風流者誰為攀折人寧
辭波浪濶莫道往來頻拾紫豈宜晚掇芳須及晨勞收
賈生淚強起屈平身花下本無俗酒中別有神遊蜂不

飲故戲蝶亦爭新萬物盡如此過時非所珍

遊石龍渦

四壁千仞散泉如雨

石龍不見形石雨如散星山下晴皎皎山中陰泠泠水

飛林木杪珠綴莓苔屏蓄異物皆別當晨景欲暝泉芳

春氣碧松月寒色青險

一作陰

力此獨壯猛獸亦不停日

暮且迴去浮心恨

一作尚

未寧

浮石亭

曾是風雨力崔嵬漂來時落星夜皎潔近榜朝遙迤翠

激遞明滅清潔瀉歌危況逢蓬島仙會合良在茲

看花五首

家家有

一作如

芍藥不妨至溫柔溫柔一同女紅笑笑不

休月娥雙雙下楚豔枝枝浮洞裏逢仙人

一作幸逢仙人立

綽

約青

一作清

宵遊

芍藥誰為壻人人不敢來唯應待詩老日日殷勤開玉
立無氣力春凝且徘徊將何謝青春痛飲一百杯

芍藥吹欲盡無奈曉風何餘花欲誰待唯待諫郎過諫

郎不事俗黃金買高歌高歌夜更清花意晚更多

飲之不見底醉倒深江波江波蕩諫心諫心終無他獨
遊終難醉挈榼徒經過閑花不解語勸得酒無多

三年此村落春色入心悲料得一孀婦經一作他時獨淚

垂

濟源春

太行橫偃脊百里芳崔嵬濟濱花異顏枋口雲如裁新
畫彩色濕上界光影來深紅縷草木淺碧珩泃千家

門前飲一道傳楔杯玉鱗吞金鉤仙璇琉璃開朴童茂
言語善俗無驚倩狂吹寢恒宴曉清夢先迴治生鮮情
夫積學多深材再遊詎癡顛一洗驚塵埃

濟源寒食七首

風巢娟娟春鷓鴣無子老人仰面嗟柳弓葦箭一作觥矢覷

不見高紅遠綠勞相遮

女嬋

一作蟬

童子黃短短耳中間人惜春晚逃蜂匿蝶踏

地來拋却齋廩一瓷碗

一日踏春一百迴朝朝沒脚走芳埃
饑童餓馬掃花餽
向晚飲溪三兩杯

莓苔井上空相憶
轆轤索斷無消息
酒人皆倚春鬢綠
病叟獨藏秋髮白

長安落花飛上天
南風引至三殿前
可憐春物亦朝謁
唯我孤吟渭水邊

枋口花間掣手歸
嵩陽

一作山

為我留

一作駐

紅暉可憐躑

躑千萬尺柱地柱天疑

一作令

欲飛

蜜蜂為主各磨牙咬盡村中萬木花
君家甕甕今應滿
五色冬籠甚可誇

遊枋口二首

一步復一步出行

一作行路

千里幽為取山水意故作寂寞

遊太行青巔高枋口碧照浮明明無底
鏡泛泛忘機鷗
老逸不自限病狂不可周
恣閑饒淡薄怠玩多淹留芳

物競晚晚綠梢挂新柔和友鶯相逮
言語亦以稠

一作和友

鵲相遠飛
始知萬類然
靜躁難相求
鴈亦以稠

聳我殘病骨健如一仙人鏡中照千里鏡浪洞百神此
神日月華不作尋常春三十夜皆明四時晝恒新鳥聲
盡依依獸心亦忻忻澄幽出所怪閃異坐微綢可來復
可來此地靈相親

與王二十一員外涯遊枋口柳溪

萬株古柳根等此磷磷溪野榜多屈曲仙潯無端倪春
桃散紅煙寒竹含晚淒曉聽忽以異芳樹安能齊共疑
落鏡中坐泛紅景低水意酒易醒浪情事非迷小儒峭

章句大賢嘉提攜潛寶韻靈瑟翠崖鳴玉珪主人稷卨
翁德茂芝朮畦鑿出幽隱端氣象皆昇躋曾是清樂抱
逮茲幾省溪宴位席蘭草濫觴驚鳧鷖靈味薦魴辦金
花屑橙壑江調擺衰俗洛風遠塵泥徒言奏狂狷詎敢
忘筌蹄

與王二十一員外涯遊昭成寺

洛友寂寂約省騎霏霏塵遊僧步晚磬話茗含芳春

一作

茵瑤策冰入手粉壁畫瑩神頰廊芙蓉霽碧殿琉璃津

一作
勾

玄講島

一作
海

岳盡淵詠文字新
屢笑寒竹讌
況接

青雲賓顧慙餘眷
下哀瘵嬰殘身

嵩少

沙彌舞袈裟
走向躑躅飛
閑步亦惺惺
芳援相依噓
塞春咽喉蜂
蝶事光輝羣
嬉且已晚孤
引將何歸
流豔去不息
朝英亦疎微

旅次洛城東水亭

水竹色相洗
碧花動軒楹
自然逍遙風
蕩滌浮競情
霜

落葉聲燥景寒人語清我來招隱亭衣上塵暫輕

洛橋晚望

天津橋下水初結洛陽陌上人行絕榆柳蕭疎樓閣閑
月明直見嵩山雪

居處

北郭貧居

進乏廣莫力退為蒙瀧

一作龍

居三年失意歸四向相識

疎地僻草木壯荒條扶我廬夜貧燈燭絕明月照吾書

欲識貞靜操秋蟬飲清虛

題陸鴻漸上饒新開山舍

驚彼武陵狀移歸此巖邊開亭擬貯雲鑿石先得泉嘯

竹引清吹吟花成

一作討

新篇乃知高潔情擺落區中緣

題韋承總吳王故城下幽居

韋生相門子孫

才飽身自貴巷荒門豈貧韋生堪繼相孟子願依鄰夜

思琴

一作酒

語切畫情茶味新霜枝留過鵲

一作鶴

風竹掃

蒙塵郢唱一聲發吳花千片春對君何所得歸去覺情

真一作貞

蘇州崑山惠聚寺僧房

昨日到上方，片雲掛石牀。
錫杖莓苔青，袈裟松柏香。
晴磬無短韻，古燈含永光。
有時乞鶴歸，還訪一作故逍遙場。

題從叔述靈巖山壁

換却世上心，獨起山中情。
露衣涼且鮮，雲策高復輕。
喜見夏日來，變為松景清。
每將逍遙聽，不厭颼颼聲。
遠念塵末宗，未疎俗間名。
桂枝一作科妄舉手一作意，萍路空勞。

生仰謝開淨絃相招時一鳴

題林校書花嚴寺書牕

隱詠不誇俗問禪徒淨居翻將白雲字

一作寺

寄向青蓮

書擬古投松坐就明開紙疏昭昭

一作綿綿

南山景獨與心

相如

藍溪元居士草堂

市井不容義義歸山谷中夫君宅松桂招我棲蒙籠人

朴情慮肅境閑

一作開

視聽空清溪宛轉水脩竹徘徊風

木倦採樵子土勞稼穡翁讀書業雖異敦本志亦同藍
岸青漠漠監峯碧崇崇日昏各命酒

一作
返

寒蛩鳴蕙叢

一作寒鹿
鳴荒叢

新卜青羅幽居奉獻陸大夫

黔婁住何處仁邑無餒

一作
饑

寒豈誤舊羈旅變為新閑

安二頃有餘食三農行可觀籠禽得高巢輟鮒還層瀾

翳翳桑柘墟紛紛田里歡兵戈忽消散耦耕非艱難嘉

木偶良酌芳陰庇清彈力農唯一事趨世徒萬端靜覺

本相厚動為末所殘此外有餘暇鋤荒出幽蘭

酬孟十二新居見寄

陸長源

大道本夷曠高情亦冲虛因隨白雲意偶逐青羅居青
羅分蒙密四序無慘舒餘清濯子襟散彩還吾廬去歲
登美第榮名在公車將必繼管蕭豈唯躡應徐首夏尚
清和殘芳遍邱墟褰幃映牕柳汲井滋園蔬達者貴知
心古人不願餘愛君將生逕且著茂陵書

題韋少保靜恭宅藏書洞

高意合天製自然狀無窮仙華凝四時玉鮮生數峯書
秘漆文字匣藏金蛟龍閑為氣候肅開作雲雨濃洞隱
諒非久巖夢誠必通將綴文士集貫就真珠叢

生生亭

灘開不妨語跨溪仍

一作宜

置亭置亭端嶮頭開牕納遙

青遙青新畫出三十六扇屏裊裊立平地稜稜浮高冥
一日數開扉仙閃目不停徒誇遠方岫曷若中峯靈拔
意千餘丈浩言永堪銘浩言無愧同愧同忍醜醒致之

未有力力在君子聽

寒溪八首

霜

一作路

洗水色盡寒溪見纖鱗幸臨虛空鏡照此殘悴

身潛滑不自隱露底瑩更新豁如君子懷曾是危陷人
始明淺俗心夜結朝已津淨漱一掬碧遠消千慮塵始
知泥步泉莫與山源鄰

洛陽岸邊道孟氏莊前溪舟行素冰拆

一作舟行
菱荷折

聲作

清瑤嘶綠水結綠玉白波生白珪明明寶鏡中物物天

照齊仄步下危曲攀枯聞孀啼霜芬

一作宿霧

稍消

一作蕭索

歇

凝景微茫齊癡坐直視聽戇行失蹤蹊岸童斲棘勞語
言多悲悽

曉飲一杯酒踏雪過清溪波瀾凍為刀剝割鳧與鷺宿
羽皆翦棄血聲沈沙泥獨立欲何語默念心酸嘶凍血
莫作春作春生不齊凍血莫作花作花發孀啼幽幽棘
針村凍死難耕犁

篙工碓玉星一路隨迸螢朔凍哀澈底獠饒咏潛鯉冰

齒相磨嚙風音酸鐸鈴清悲不可逃
洗出纖悉聽碧潄
卷已盡彩縷飛飄零下躡滑不定上棲折難停
哮嗶
啣冤仰訴何時寧

一曲一直水白龍何鱗鱗凍飈雜碎號壑音坑谷
辛爪
榆吃無力飛走更相仁猛弓一折絃餘瑞爭來賓大嚴
闕二字立小殺不復陳皎皎何皎皎氤氲復氤氲瑞精刷

日月高碧開星辰獨立兩脚雪孤吟千慮新天機徒昭
昭箕舌虛斷斷堯聖不聽汝孔微亦有臣諫書竟成章

古義終難陳

因凍死得食殺風仍不休以兵為仁義仁義生刀頭刀
頭仁義腥君子不可求波瀾抽劍水相劈如仇讎大雪
入魚心魚心明愀愀恍如罔兩說似訴割切由誰使異
方氣入此中土流翦盡一月春閉為百谷幽仰懷新霽
光下照疑憂愁

溪老哭甚寒涕泗冰珊珊飛死走死形雪裂紛心肝劍
刀凍不割弓絃彊難彈常聞君子武不食天殺殘劓玉

掩骼啗吊瓊哀闌干

溪風擺餘凍溪景銜明春玉消花滴滴虬解光鱗鱗懸
步下清曲消期濯芳津千里冰裂處一勺暖亦仁凝精
耳相洗漪連競將新忽如劒瘡盡初起百戰身

立德新居十首

立德何亭亭西南聳高隅陽崖洩春意井園留冬蕪勝
引即紆道幽行豈通衢碧峯遠相揖清思誰言孤寺秩
雖未貴家醪良可哺

聳城架霄漢潔宅涵網緼開門洛北岸時鎖嵩陽雲夜
高星辰大晝長天地分厚韻屬疎語薄名謝嵩聞茲焉
有殊隔永矣難及羣

賓秩已覺厚私儲常恐多清貧聊自爾素責將如何儉
教先勉力修襟無餘他良棲一枝木靈巢片葉荷仰笑
鵬鵬輩委身拂天波

疎門不掩水洛邑寒更高曉碧流視聽夕清濯衣袍為
於仁義得未覺登陟勞遠岸雪難暮勁枝風易號霜禽

各嘯侶吾亦愛吾曹

崎嶇有懸步委曲饒荒尋遠樹足良木疎巢無爭禽素
魄銜夕岸綠水生曉濤空曠伊洛視髣髴瀟湘心何必
尚遠異憂勞滿行襟

懸途多仄足崎圉無脩畦芳

一作霜

蘭與宿艾手擷心不

迷品子懶讀書轅駒難服犁虛食日相役奔腸詎能低
恥從新學遊願將古農齊

都城多聳秀愛此高縣居伊雒遶街巷鴛鴦飛閭閻翠

景何的礫霜颼飄空虛突出萬家表獨治二畝疏餘

一作餘


一旬一手版十日九手鋤

手鋤手自勗激勸亦已饒畏彼梨栗兒空資玩弄驕夜
景卧難盡晝光坐易消治舊得新義耕荒生嘉苗鋤治
苟愜適心形俱逍遙

玉蹄裂鳴水金綬忽照門拂拭貧士席拜候丞相軒德
疎未為高禮至方覺尊豈惟耀茲日可以榮遠孫如何
一陽朝獨荷衆瑞繁

東南富水木寂寥蔽光輝此地足文字及時隘駢駢
雪踏為平澀行變如飛令畦生氣色嘉綠新霏微天意
資厚養賢人肯相違

末二章冬至日鄭相
至門以屬意在焉



孟東野詩集卷五